

Pablo lelpox carta Colosas paklowaxpijwliajwa

Pablo lelpox carta Colosas paklowaxpijwliajwa

¹ Xan Pablo, Jesucristo pej-apóstol nadofax, Dios namakafit xot. Wajkoewan Timoteo nakajachawaet ampox carta lelaliajwan. ² Lelx ampox carta xamal Colosas paklowaxpijwamliajwa, Jesucristo pejwñajan naexasitampim. Xan waj-ax Dios kawñajna xamal kajachawaesliajwa puexa chiekal isliajwam. Japon kawñajna xbej xamal kajachawaesliajwa chiekal duilaliajwam, a sew jiw sñapich.

Pablo kawñajanpox Dios, Colosas paklowaxpijwliajwa, Jesús pejwñajan naexasitiliajwa

³ Xanal xamalliajwa Dios kawñajna x, japon wajpaklon Jesucristo pax. Kawñajna x wñt, xanal gracias-an Diosliajwa, xamal chiekal kajachawaet xoton. ⁴ Jasoxtat xanal Dios kawñajna x, wñtaenx xot xamal chiekal naexasitampox Jesucristo pejwñajan. Wñtaenxbej puexa jiw nejxasinkampox, Dios pejjiwpi. ⁵ Xamal naexasitam wñt chimiawñajan, Jesús pejwñajan, Dios xamal bu'welialjwa, jawñt chiekal matabijam Dios athñxotse xawñajnawet xabich pachaempox xamalliajwa. Samata, xamal Jesús xanaboejam. Nejxasinkambej Dios pejjiw. ⁶ Jesús pejwñajan xamal naewñajan wñti, jñmtaenam. Amwñtjel,

japawɥajan potɥajɥcha jiw jɥmtaena wɥti, japibej naexasit japawɥajan. Samata, japi kofa majt babijaxan isfalpoxan. Amwɥtjel ispi pachaempoxan. Me-ama xamal, ja-aechbej japi jiw. Jɥmtaenam wɥt Jesús pejwɥajan, xamal najut chiekal matabijam, diachwɥajnakolax Dios xamal nejxasinkpox. ⁷ Epafras, xatis nejxasinkaspon, japon xamal matxoela naewɥajan Jesús pejwɥajan. Japonbej, xanal sɥapich, nabist Cristoliajwa. Japonbej xamal naewɥajan, xanal tajut fɥlaeyaxinil xot xamal poxade. ⁸ Pa'an wɥton xanalxot, xapa'non pejwɥajan. Jawɥt xanal nachapaeipon nejxasinkampox asew jiw, naexasiti Jesús pejwɥajan, Espiritu Santo xamal kajachawaet xot.

⁹ Xanal japox wɥltaenx wɥt, bɥxkofa-enil Dios kawɥajɥnaxpox xamalliajwa. Dios kawɥajɥnax chiekal matabijaliajwam isliajwambej Dios nejxasinkpoxan. Dios kawɥajɥnaxbej chiekal matabijaliajwam Dios pejmatabijsaxan Espiritu Santo pijaxtat. ¹⁰ Japox chiekal matabijam wɥt, chiekal duilaxaelam. Me-ama japon pejwɥajan naexasiti chiekal duil, xamal jachiyaxaelam. Samata, Dios nejchachaemlaxael xamalliajwa. Xamal isaxaelam puexa pachaempoxan. Isam wɥt japoxan, xamal kaes chiekal matabijaxaelam Dios. ¹¹ Xanal Dios kawɥajɥnax xamal kajachawaesliajwapon, kaes chiekal xanaboejaliajwam Dios. Ja-am wɥt, xabich boejtaliasaxaelam, asew jiw pijaxtat nabijatam wɥt. ¹² Dios xamal beltaen. Samata, Diosliajwa, xamal babijaxan isampoxan ajil. Ja-aech wɥt, xamal Dios

tapaeyaxael pomatkoicha athaxotaliajwam, Dios pej-itliakaxxotse. Samata, xanal nejxasinkax xamal waj-ax Dios graciaschiliajwam, Dios kawhajnam wut. ¹³ Xatis majt matabija-esal chimiawhajan, Jesús pejwhajan. Samata, me-ama itkataxot duils wut, jatisfulas, naexasisfulas xot Satanás. Amwutjel naexasisfulas Dios paxulan pejwhajan, Dios nejxasinkaspon. ¹⁴ Dios paxulan tɔp wut, japon nakwemot xatis babijaxan isaspoxanliajwa. Samata, Dios nakbeltaen.

Pachaempox Diosliajwa Jesús pejwhajan naexasiti, Cristo tɔp xot japiliajwa

¹⁵ Xatis wajut Dios taeyaxisal. Pe nakiowa, Cristo pijaxtat chiekal matabijas, ma-aech Dios. Cristo kaes pejme pachaem. Me-ama puexa Dios ispi, jachi-elon. ¹⁶ Cristo puexa is Dios pijaxtat, athaxotse, ampathatatbej. Xabich japoxan xatis taens. Pe asaxan wajut taeyaxisal, tampoel xoti xatis taeliajwas. Cristo puexa is wut, isbejpon ángeles. Japi mamnik xot, xajɔp tato'laliajwa. Puexa japoxan Cristo is pajutliajwa. ¹⁷ Chajiakolaxtat, puexa is-esal wutfuk, Cristo jawut duk. Amwutjel puexa ispoxan nakiowa ja-aechfuluk japon pijaxtat. ¹⁸ Cristobej puexa jiw tato'al, naexasiti japon pejwhajan. Japon tɔp xot jiwliajwa, Dios beltaen japi jiw babijaxan ispoxanliajwa, japon pejjiwaliajwabejpon. Cristo matxoela mat-ech pejme dukaliajwa, tɔp wuton. Samata, Jesucristo pejwhajan naexasitibej asamatkoi mat-eyaxaes pejme duilaliajwa. Cristo puexa japiliajwa paklon. ¹⁹ Dios nejchachaemil Cristoliajwa, me-ama Dios, ja-aech xoton.

²⁰ Chajiakolaxtat, Dios chajia nejchaxoel Cristo tɥpaliajwa cruztat puexa jiwliajwa, xabich jiw bu'wɥajanjilaliajwa Dios pejwɥajnalel. Samata, Cristo tɥp wɥt, puexa naexasiti japon pejwɥajan, ampatahapijiw, athɥpijiwbej, amwɥtjel puexa chiekal pachaemlisi Diosliajwa.

²¹ Xamal majt naexasis-emil wɥtfɥk Cristo pejwɥajan, pachaema-emil Diosliajwa. Dios padaelmajiwambej, isam xot babijaxan.

²² Cristo xabich nabijat, xamal babijaxan isampoxanliajwa tɥp wɥton cruztat. Samata, xamal pachaemam Diosliajwa. Amwɥtjel isfulam japon nejxasinkpoxan, bu'wɥajanjimil xot. ²³ ¡Xamal chiekal naexasisfulde Jesucristo pejwɥajan! Japon pejwɥajan xabich asew jiwbej naewɥajnafɥl potɥajɥcha. Xan, Pablo, naewɥajnafɥlaxbej japawɥajan.

Pablo Dios to'aspox, japon naewɥajnalialjwa Jesús pejwɥajan naexasiti

²⁴ Xan amwɥtjel jiw jebatat nabijatax, majt xamal, judíos-emilpim, naewɥajnax xot Jesús pejwɥajan. Me-ama majt Cristo nabijat cruztat jiw bu'welialjwa, xanbej amwɥtjel nabijatax, jiw jebatat najia xoti. Samata, nejchachaemlax. Nawewe'pɥk xabich kaes nabijasliajwan, naewɥajnax wɥt Jesucristo pejwɥajan naexasiti. Japi, Cristo pejbu't wɥt, ja-aech. ²⁵ Dios nato'a xamal kajachawaesliajwan, asew jiwbej, naexasiti Jesús pejwɥajan. Samata, xamal, asew jiwbej, jumchiyaxaelen puexa Dios pejjamechan jum-aechpoxan Cristoliajwa.

²⁶ Japaw^uajan majt chinax kaen aton matabijs-elf^uk. Japaw^uajanliajwa Dios tulaela j^umchiel. Amw^utjel tapaeipon puexa pejjiw chiekal matabijaliajwa japaw^uajan. ²⁷Japaw^uajan xabich pachaem puexa jiwliajwa. Jesús, xamalxot dukpon, japon pejw^uajan majt maliach. Pe amw^utjel, puexa xamal chiekal matabijam. Samata, asamatkoi duilaxaelam Diosxotse.

²⁸ Samata, xanal naew^uajⁿax Cristo pejw^uajan puexa jiw chiekal j^ummatabijaliajwa. Jan xanal, japibej chiekal pachaemaliajwa, Dios nejchachaemlaliajwa japiliajwa.

²⁹ Samata, ampabichax chiekal nabistax w^ut, Cristo nakajachawaet xot, mamnikax naew^uajⁿaliajwan japon pejw^uajan.

2

¹ Xan nejxasinkax xamal matabijaliajwam Dios xabich kaw^uajⁿaxpox xamalliajwa. Dios kaw^uajⁿaxbej Laodicea paklowaxpijiwliajwa, asew jiwliajwabej, japi jiw xan namatabija-elpif^uk. ² Dios xabich kaw^uajⁿax xamal nejlewlasamata, jiw naew^uajⁿam w^ut japi chiekal xanaboejaliajwa Dios. Xan xabich Dios kaw^uajⁿaxbej xamal kaenejchaxoelaxliajwam chiekal duilaliajwam, nakaewa nanejxasinkam xot. Dios xabich kaw^uajⁿaxbej xamal chiekal j^ummatabijaliajwam Cristoliajwa, majt puexa jiw chiekal matabija-elpoxf^uk. Samata, amw^ut chiekal matabijaxaelam Cristoliajwa. Dios majt tapae-el ampathatpijiw matabijaliajwa Cristoliajwa. ³ Xamal naexasitam w^ut Jesucristo pejw^uajan, ja-am w^ut, chiekal matabijaxaelam

Dios pejmatabijsax, xabich pachaempox. ⁴ Japox jum-an asew jiw xamal naekichachajbasamata. Japi jiw jum-aech chimiajamechan xamal naekichachajbaliajwa. ⁵ Diachwujnakolax amwutjel xan tajut xamalxota-enil. Pe nejchaxoelx wut, me-ama tajut xamalxotx wut, ja-an. Samata, wultaenx wut xamal kaenejchaxoelaxtat duilampox, Cristo chiekal xanaboejampoxbej, xan xabich nejchachaemlax.

Jesús pejuajan naexasiti, japi pajelnejchaxoelaxan

⁶ Xamal jelnaexasitam wut Jesús pejuajan, “Jesús tajpaklon” —am xamal. Samata, jamwutjel diachwujnakolax chiekal duilafulde! Me-ama jiw, naexasiti Jesús pejuajan, duil wut, jjaamsfulde xamal! ⁷ Xamal nejpaklon Jesucristo. Samata, jifulde puexa japon tato'alpoxan! ¡Asew jiw xamal majt naewujanpox Cristoliajwa, japox chiekal naexasisfulde! Ja-am wut, kaes xanaboexaelam Cristo. Pomatkoicha Dios kawujnam wut, graciaschiyaxaelam Diosliajwa.

⁸ ¡Chiekal taem! ¡Xamal nabej tapae' asew jiw xamal naekichachajbaliajwa, pajut pejnechaxoelaxan naewujanpi! ¡Xamal japi jiw nabej naexasis, asawujan naewujan wuti, Cristo naewujanelpox wut! Japi jiw asew jiw chanaekabuanapamjiw chanaekabuanaspoxan. Chapaefulbejpi jiw nejchaxoelpoxan, ampathatpijaxanliajwa.

⁹ Cristo ampathatat wut, me-ama pax Dios, ja-aechon. Samata, ¡nabej tapae' asew jiw xamal naekichachajbaliajwa, asawujan naewujan

wuti! ¹⁰ Xamal Cristo pejiwam xot, wewe'pa-el asax. Cristo paklon puexaliajwa. Japon puexa, nejmachpaklochow, tato'al. ¹¹ Xamal Jesús pejwujajan naexasitam xot, me-ama judíos circuncidaspi, ja-am Diosliajwa. Samata, kaes nejchaxoela-emil isliajwam pachaema-elpoxan, Jesús xamal kajachawaet xot. ¹² Xamal jiw bautisa wut, jawut, xamal, Jesús suapich, muthtaspi wut, ja-am. Jesús tup wut, Dios mat-echpon pejme dukaliajwa. Samata, xamal bautisa wuti, jawutbej, xamal, Jesús suapich, Dios mat-echpi wut, ja-am pejme chiekal duilaliajwam, Dios chiekal xanaboejam xot. ¹³ Xamal, judíos-emilpim, majt tupawam wut, ja-am Diosliajwa, xabich babijaxan isfulam xot. Amwutjel, jachi-emil. Xamal amwutjel pajelnejchaxoelaxan, Dios beltaen xot babijaxan isampoxanliajwa, naexasitam xot Jesús pejwujajan. ¹⁴ Majt xatis naexasis-esal xot Dios tato'alpoxan, xatis wajbu'wujajan Diosliajwa. Pe Dios nakbeltaen xatis babijaxan isaspoxanliajwa. Cristo tup wut cruztat, nakwemot xatis babijaxan isaspoxanliajwa. Ja-aech wut, Dios tato'alpoxan, me-ama toep wut, ja-aechox, japon nakkastikaxaelpox xatis babijaxan isaspoxanliajwa. ¹⁵ Cristo tup wut cruztat, Dios malecha Satanás, Satanás pejiwbej, japi deppaklochowpi. Dios japox is wut, puexa jiw matabija Satanás malechaspox, japon pejiwbej.

Jesús pejwujajan naexasiti chiekal nejchaxoelaxaelpox isliajwa Dios nejasinkpoxan

¹⁶ Xamal amwutjel Cristo pejiwam xot, jasew judíos nabej tapae' kaechafiasliajwa xamal

xaelampoxan, feyaxaelampoxanbej! Japi judíos naexasit Moisés chajia lelpox. Samata, japi kaewaechful wut, fiesta is. Isbejpi fiesta, kaejuimsful wut. Fiesta isbejpi, napatamatkoisful wut. Japi judíos xamal to'a wut fulaeliajwam japafiestan poxade, ¡xamal nabej fulae! ¹⁷ Majt jiw xabich fulalaecha fiestan poxade, Moisés chajia lelpox naexasit xoti. Japafiestan ispi jiw nejchaxoelaliajwa asamatkoi Cristo isaxaelpoxliajwa. Pelis Cristo pat. Japon pejw_uajan xamal naexasitam xot, ¡amwutjel xamal wewe'pa-el japafiestan poxade fulaeliajwam! ¹⁸ Asew jiw xamal jum-aech wut: “Xanal ángeles kaw_uajna. Xamal kaw_uajna-emil wut ángeles, babijax isam” —aech wuti, ¡japi jiw xamal nabej naexasis! Jum-aech wutbejpi: “Xanal matabijax, masoxtat taenx xot asew jiw tae-elpoxan” —aech wuti, ¡xamal japi jiwbej nabej naexasis! Japi japoxan jum-aech wut, pejnechaxoelaxan pachaema-el, pajut nejchaxoelpoxan jum-aech xoti. ¹⁹ Japi kofa naexasitpox Jesús pejw_uajan. Puexa xatis Jesús pejw_uajan naexasichpis, Cristo naktato'al. Xatis, me-ama Cristo pejb_u't wut, jatis, kaenechaxoelax xotch, Cristo s_uapich. Samata, Cristo nakkajachawaet chiekal duilaliajwas, me-ama Dios nejxasink.

²⁰ Xamal, me-ama, Cristo s_uapich, cruztat t_upam wut, ja-am. Samata, ¡nabej naexasis ampathat-pijiw jum-aechpoxan! Xamal ja-am wut, ¿ma-aech xotkat xamal nakiowa naexasisasiam Jesús pejw_uajan naexasis-eli jum-aechpoxan? ²¹ Japi jum-aech, xamal fiat wuti: “¡Ampox nabej jache'!

¡Ampoxbej nabej xae'! ¡Ampoxbej nabej fis!” — aechi, xamal fiat wut. ²² Japi j̄m-aechpoxan xamal fiat wut, japoxan asamatkoi chiekal toepaxael, pajut nejchaxoelpoxankal xot. ²³ Japi xabich asew jiw tato'al kaw̄ajnalijwa ángeles. Japibej tato'al jiw pajut nejchaxoelalijwa: “Xan kaes pejme pachaema-enil. Me-ama asew jiw, jachi-enil” —chilijwa, jiw nejchaxoel wut. Japi jiw naew̄ajanbej jiw babijaxan isasamata. Japi jiw jasox naew̄ajan wut, me-ama xabich matabija wut, ja-aechi. Pe japi naew̄ajanpoxan pachaemael, asew jiw kajachawaes-esal xot kofalijwa babijaxan nejchaxoelpoxan is-elalijwa.

3

¹ Cristo t̄up wut cruztat, mat-ech w̄uton pejme dukalijwa, jaw̄tbej, xamal, me-ama Dios mat-ia wut, ja-am pejme duilalijwam, Cristo s̄apich. Samata, xamal nejchaxoelam wut, ¡nejchaxoelde pomatkoicha duilaxaelampox Cristo ekxotse, Dios pejpoklale! ² ¡Xamal nejchaxoeldebej isliajwam Dios nejxasinkpoxan! ¡Nabej nejchaxoele' babijaxan isliajwam, me-ama ampathatpijiw isful! ³ Ampathatat laelpam wut, ¡chiekal duilafulde! Me-ama Cristo Diosliajwa chiekal duk wut, ¡ja-amsfuldebej xamal! Samata, xamal, me-ama majt duilam wut, ¡nabej ja-aече'! Cristo chiekal duk pax Diosxotse. Amw̄utjel xamal tataefulpon. ⁴ Chiekal duilaxaelam tanbichliajwam Cristo. Asamatkoi Cristo pejme fuloek wut, puexa jiw taeyaxaeson, japon xabich mamnikpox. Xatisbej asew jiw naktaeyaxael, Cristoxotas wut.

Colosas paklowaxpijw ma-aechpox, majt duil wɯti Jesús pejwɯajan naexasis-elaxtat

⁵ ¡Kofim babijaxan isfulampoxan! Aton tɯp wɯt, kaes babijaxan is-elon, tɯp xotlison. ¡Xamalbej ja-amfulde! ¡Nejwatho' nabej naebu'moejs asew watho'! ¡Nabej isbej asaxan, pachaema-elpoxan! ¡Nabej nejxasinke'bej babijaxan isaxan! ¡Nabej nejxasinke'bej nejew xabichaliajwa! Xabich wɯt nejew, ja-am wɯt, Dios nejxasinkaximil, japoxan kaes xabich nejxasinkaxaelam xot.

⁶ ¡Xamal jasox nabej ja-aече', Dios xabich kastikaxael xot jasi jiw! ⁷ Xamal majt japoxan babijaxan isfulam, naexasis-emil wɯtfuk Dios.

⁸ Pe amwɯtjel, ¡xamal kofim xabich nalalapoxan asew jiwliajwa, babijaxan isampoxanbej asew jiwliajwa! ¡Bɯxkofimbej babejjamechan jɯm-ampoxan asew jiwliajwa! ¡Nabej jɯm-aече'bej jiwɯtat pachaema-elpoxan! ⁹ ¡Kofimbej nakaewa naekichachajbampoxan, kofam xot padujnejchaxoelaxan, majt isampoxanbej!

¹⁰ Amwɯtjel kofam padujnejchaxoelaxan, naexasitam xot Dios. Samata, ¡duilafalde, me-ama Dios nejxasink! Ja-am wɯt, chiekal xamal matabijaxaelam Dios. ¹¹ Jesús pejwɯajan naexasiti pajelnejchaxoelaxan. Samata, Dios puexa japi taen wɯt, japi jiw puexa chiekal najɯpanejxasinkpon. Judíos, judíos-elpibej, atɯaj fulaenpi, asatɯajɯchanpijwbej, jiw estudia-elpibej, esclavos, esclavos-elpibej, japi puexa naexasiti Jesús pejwɯajan, Dios chiekal najɯpanejxasink puexa japi jiw.

¹² Dios xamal nejxasink. Makanotbejpon xamal

japon pejjiwaliajwam. Samata, ¡asew jiw beltaem! ¡Kajachawae'ebej! Nejchaxoelam wut, ¡nejchaxoelde: “Xan kaes pejme pachaema-enil. Me-ama asew jiw, jachi-enil” —amde, nejchaxoelam wut! Asew jiw tato'lam wut, ¡nabej tato'le' palaeyaxtat! Asew jiw is wut pachaema-elpoxan xamalliajwa, ¡xamal boejtaliasfulde japoxanliajwa! ¹³ Asew jiw xam-alxot nakaewaliajwa is wut pachaema-elpoxan, ¡xamal nabej nalale'! ¡Boejtaliasfulde! ¡Nakaewa nabeltaembej! Me-ama Dios xamal beltaen babi-jaxan isam wut, ¡xamalbej ja-amsfulde nakaewaliajwa! ¹⁴ Jumchiyaxaelen kaes pejme pachaempox. Japox nakaewa nanejxasinkampox. Ja-am wut, chiekal duilaxaelam kaenejchaxoelaxtat. ¹⁵ Cristo xamal kajachawaet xot, ¡xamal chiekal kaenejchaxoelaxde! Dios xamal tadut kaemutliajwam, Cristo sʉapich. Samata, Dios kawʉajnam wut, ¡gracias-amde!

¹⁶ Xan Dios kawʉajnax xamal kajachawaesliajwa pomatkoicha nejchaxoelaliajwam Jesús pejwʉajan. ¡Dios pejjamechan xamal nakaewa nanaewʉajande kaes pejme chiekal Dios xanaboejalaiajwam! Jajuwam wut salmos, himnosbej, ¡xabich gracias-amde Diosliajwa! ¹⁷ ¡Puexa isaxaelampoxan isde, wajpaklon Jesús pijaxtat! ¡Puexa jumchiyaxaelampoxanbej jum-amde, wajpaklon Jesús pijaxtat! Ja-am wut, ¡gracias-amde waj-ax Dios Jesús pijaxtat!

Jesús pejwʉajan naexasiti machiyaxaelpox pe-jbapijwliajwa

¹⁸ Xamal watho'am, ¡nejmol chiekal naexasisfulde, to'a wut! ¡Ja-amsfulde, xamal Jesús

pejw_uajan naexasitam xot! ¹⁹ Xamal poejwam, jkaenan_ula nejwatho' chiekal nejxasinkaf_ulde! Nijow to'am w_ut, jto'im chamoeyaxtat! Me-ama esclavas w_ut, jnabej ja-aech' nejwatho'liajwa!

²⁰ Xamal yamxim, jpomatkoicha chiekal naexasisf_ulde nej-axjiw, nej-enjiwbej, xamal to'a w_ut! Ja-am w_ut, Dios nejchachaemlaxael xamal yamximliajwa. ²¹ Xamal paxjiwam, jnaxi chamoeyaxtat tato'alde naxi palalasangata, nejchaemilasangatabeji!

²² Xamal esclavos, jisf_ulde nejpaklochow puexa tato'alpoxan! jChiekal nabichf_ulde japiliajwa! Asew jiw pejpaklochow chiekal tataefla-esal w_ut, chiekal nabich-eli. Pelax pejpaklochow tataefulas w_ut, ja-aech w_ut, japi jiw, me-ama chiekal nabist w_ut, ja-aechi pejpaklochow nejchachaemlaliajwa japiliajwa. jXamal jasox nabej ja-aech'! Pomatkoicha chiekal nabichaxaelam nejpaklochowliajwa, xamal sitaenam xot wajpaklon Jesús. ²³ Xamal nabistam w_ut nejpaklochowliajwa, puexa chiekal isaxaelam nejchachaemlampoxtat. Me-ama wajpaklon Jesúsliajwa nabistam w_ut, jachiyaxaelam, nejpaklochowliajwa nabistam w_ut. ²⁴ Chiekal nabichaxaelam wajpaklon Jesúsliajwa, japon chiekal xamal mosaxael xot. Jesús xamal chaxduiyaxael Dios chajia j_um-aechpox. Cristo diachw_uajnakolax nejpaklon, nabistam xot japonliajwa. ²⁵ Pe asew jiw, babijaxan ispi, japi jiw Dios kastikaxaes. Sangata, puexa jiw babijaxan is w_ut, japi puexa diachw_uajnakolax Dios kastikaxaes.

4

1 Xamal paklochwam, ¡xamal chiekal pachaemde nej-esclavosliajwa! Me-ama Dios nejxasink, ¡ja-amsfulde japiliajwa! ¡Xabich nabej tato'le' nej-esclavos xabich nabichliajwa bichaxan! ¡Chiekal nejchaxoelde! Xamalbej nejpaklon athxotse.

Pablo to'apox Colosas paklowaxpijw, japi Dios kawxajnalijwa japonlijaw

2 ¡Xamal Dios kawxajnafulde! ¡Gracias-amsfuldebej Diosliajwa, kawxajnam wut!

3 ¡Xanallijwabej Dios kawxajande japon xanal natapaeliajwa pejme jiw naewxajnalijwan Jesús pejwaxan, majt jiw matabija-elwaxan! Japawaxan naewxajnax xot, amwutjel jiw jebatat asew jiw xan najia. 4 ¡Dios kawxajande, xan jiw naewxajnax wut chiekal naewxajnalijwan, japibej chiekal matabijaliajwa Jesús pejwaxan!

5 Xamal Jesús pejwaxan naexaxis-elixotam wut, ¡chiekal duilafulde! Japixot pachaem wut naewxajnalijwam Jesús pejwaxan, ¡naewxajande! 6 Xamal nospaeyam wut, jiw saxapich, ¡nospaem pachaempoxan jiw chiekal nejchachaemlaliajwa! ¡Matabijimbej chiekal jumnosliajwam kaenanula japi jiw!

Pablo saludos xato'apox asew jiwlijaw

7 Wajkoewan Tíquico, xatis nejxasinkaspon, chiekal nabist wajpaklonlijaw, xan saxapich. Tajwaxan japon xalaeyaxael xamal chapaeliajwa, pa'a wuton xamalxot. 8 Samata, japon to'axaelen amwut xamal poxade jumchiliajwapon, ma-an xanal, amxotan wut.

Ja-aech wut, xamal xabich nejchachaemlaxaelam xanalliajwa. ⁹ Tíquico fúlaeyaxael wut xamal poxade, wajkoewan Onésimo, xatis xabich nejxasinkaspon, japonbej fúlaeyaxael xamal poxade. Onésimo majt xamalxoton. Japon chiekal nabistbej wajpaklonliajwa. Kofs-elpon. Japi xamalxot pa'a wut, xamal chapaeyaxaelon xanliajwa amxot ja-aechpoxan.

¹⁰ Aristarco, japon tajnachalan jiw jebatat, saludos xato'a xamalliajwa. Marcos, Bernabé pakoe-wan, japonbej saludos xato'a xamalliajwa. Xamal chajia to'ax, Marcos pat wut xamalxot chiekal bu'kulaliajwam. ¹¹ Asan pawul Jesús. Japonbej saludos xato'a xamalliajwa. Japon asawul Justo. Japi tres poejiw, judíos, naexasiti Jesús pejwujajan. Puexa judíosxot, japi koew, xan suapich, nabist Diosliajwa, a sew jiw Dios naexasisliajwa. Samata, xan xabich nejchachaemlax, japi nakajachawaet xot. ¹² Epafra majt xamalxoton, japon nabist Jesucristoliajwa. Japonbej saludos xato'a xamalliajwa. Japon xabich Dios kawujajan nejxanaboexan kaes mamnikaliajwa Diosliajwa. Xabich Dios kawujajanbejpon xamal kajachawaesliajwa isliajwam puexa Dios nejxasinkpoxan. ¹³ Xan taenx, Epafra xabich nejchaxoel wut xamalliajwa, Laodicea paklowaxpijiwliajwabej, Hierápolis paklowaxpijiwliajwabej. ¹⁴ Lucas, japon médico, xatis nejxasinkaspon, japonbej saludos xato'a xamalliajwa. Asan, pawulpon Demas, japonbej saludos xato'a xamalliajwa.

¹⁵ Xan saludos xato'ax naexasiti Jesús pejwujajan, Laodicea paklowaxpijiwliajwa.

Saludos xato'axbej japon Ninfaliajwa. Saludos xato'axbej, japi natamejapi Ninfa pejbaxot, naexasiti Jesús pejwɥajan. ¹⁶ Xamal ampox carta xaljoeyax toetam wɥt, ¡xato'im Laodicea paklowaxpijiw poxade, japi naexasiti Jesús pejwɥajan, japibej xaljoeliajwa ampox carta! Asacarta chajia xato'ax Laodicea paklowaxpijiwliajwa. Japox carta japi xato'axaen xamal poxadin. Carta xamal chaxdut wɥti, ¡xamalbej xaljoem japox carta! ¹⁷ ¡Arquipo jam-amde chiekal toesliajwa Jesucristo to'aspox japon isliajwa!

¹⁸ Xan Pablo, tajut lelx xamal saludaliajwan. Xamal Dios kawɥajnam wɥt, ¡nabej nejkiowe' xanliajwabej Dios nawekawɥajnalialjwam, xan jiw jebatataxpoxliajwa! Xanbej Dios kawɥajnax xamallialjwa japon xabich kajachawaesliajwa xamal.

Pajelwaaian Dios pejjamechan
New Testament in Guayabero (CO:guo:Guayabero)
copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source files
dated 29 Jan 2022
809259d4-ca58-5124-9a05-fd84078a3de3